

<><><><><><>

DGMO Briefing

भारतीय सेना दे फौजी कारवाइएं सरबंधी महानिदेशक डीजीएमओ लैफ्टिनेंट जनरल राजीव घई होरें आखेआ ऐ जे आपरेशन सिंदूर दे तैहूत पाकिस्तान ते पाकिस्तान दे नजैज कब्जे आले जम्मू कश्मीर च 9एं आतंकी ठकाने पर हमले कीते गे। इनें हमलें च 100 कोला मते आतंकवादी मारे गे। कल नमीं दिल्ली च समाचार माध्यमें गी जानकारी दिंदे होई डीजीएमओ होरें आखेआ ऐ जे इनें आतंकवादिएं च यूसूफ अजहा, अब्दुल मलिक रऊफ ते मुदासिर अहमद जनेह आतंकवादी शामिल हे। उनें आखेआ जे आपरेशन सिंदूर दी अवधारणा आतंकवाद दे अपराधिएं ते योजना बनाने आलें गी सजा देने ते उंदे आतंकी ढांचे गी तबाह करने दे मकसद कन्नै कीती गई ही। राजीव घई होरें आखेआ ऐ जे भारत ते पाकिस्तान दे डीजीएमओ नै अज्ज दपैहरी 12 बजे गल्लबात करने दा फैसला कीता ऐ तां जे इस सौहमति गी लम्मे समें तोड़ी बनाई रखने दे तौर मरीके पर सोच बचार कीता जाई सकै। उनें एह जानकारी दित्ती जे सेना प्रमुख जनरल उपेन्द्र द्विवेदी होरें पाकिस्तान आस्सेआ कुसै बी खलाफवर्जी दे मामले च जवाबी कारवाई लेई फौज दे कमांडो गी पूरा अधिकार दित्ते दा ऐ। डीजीएमओ होरें आखेआ जे 7 कोला 10 मई बश्कार कब्जा रेखा पर तोपखाने ते जौहके थेआरें कन्नै गोलीबारी च पाकिस्तानी फौज दे तकरीबन 35–40 कर्मी मारे गे। एयर मार्शल भारती होरें आखेआ जे जित्थें नुकसान पजाया जाई सकदा हा उत्थें हमला करने दा फैसला कीता गेआ ते भारतीय वायु सेना नै पाकिस्तान दे ब्हाई ठकाने, कमांड सेंटरें, फौजी बुनियादी ढांचे ते वायु रक्षा सरिस्तें पर हमला कीता गेआ। भारती सेना नै आखेआ ऐ जे जम्मू कश्मीर ते अंतराष्ट्रीय बनने उपपर रातीं शांति बनी दी रेई। फौज नै दज्जस्सेआ ऐ जे एल्लै तोड़ी कुसै घटना दी कोई सूचना नेई ऐ। फौज नै गलाया जे हाल दे दिनें च एह पैहली शांत रात ही।

<><><><><><> श

Army-Border-JK

भारतीय सेना नै आखेआ ऐ जे जम्मू कश्मीर ते अंतराष्ट्रीय बन्ने कन्नै लगदे होर दुए इलाके च रात काफी हदद तोड़ी शांतिपूर्ण रेई ते कुसै बी चाल्ली दी गोलाबारी ते बम्बबारी दी कोई बी खबर सामने नेई आई। सेना नै आखेआ जे कुसै चाल्ली दी बी घटना दी कोई सूचना नेई ऐ, जेहड़ी हाल दे दिनें दी पैहली रात ही। लगतार दो हफ्ते दपक्खी गोलीबारी ते नागरिक विस्थापन हीले दे बाद भारत ते पाकिस्तान नै जंगबंदी करने पर समझौता कीता जेहदे करी हुन इलाके च शांति ब्हाइ होई। जंगबंदी दी घोषणा पाकिस्तान दे मिल्द्री आपरेशनें दे डरैक्टर जनरल दे राएं बैकचेनल ते सैनिक स्तर उपपर गल्लबात दे मगरा कीती गई। जिसी भारतीय अधिकारिं 10 मई गी स्वीकार करी लैता।

<><><><><><>

Ondia-Pal DGMO Meet

भारत ते पाकिस्तान दे डीजीएमओएं बश्कार इस समझौते गी लम्मे समें तगर बनाए रखने बारे दे तौर तरीके पर बैठक थोड़ी चिरें शुरू होने आली ऐ।

<><><><><><>

BLA Balochistan

बलोच लिबरेशन आर्मी नै बलोचिस्तान च 5एं थमां मते इलाकें पर 71 हमले करोआने दी जिम्मेदारी लैती ऐ। इक कथन च बीएलए ग्रुप ने आखेआ जे पाकिस्तान नै छड़ा वैश्विक आतंकवादिएं दा बलके राज्य प्रायोजित आतंकवादी समूह जियां के लश्करे तैयबा, जैश-ए-मोहम्मद ते आईएसआईएस दा बी केन्द्र बने दा ऐ। बीएलए समुदाय दा एहबी आखना ऐ जे वर्तमान हिंसा दी लैहर खेत्तरें च लम्मे समें थमां चलने आले मुक्ति आंदोलन दा हिस्सा ऐ।

<><><><><><>

PM-Budh

प्रधानमंत्री नरेन्द्र मोदी होरें बुद्ध पूर्णिमा दे पावन मौके पर सब्बै नागरिकें गी मुबारकबाद दित्ती ऐ। अपनी इक सोशल मीडियो पोस्ट दे राएं उनें आखेआ जे भगवान बुद्ध हुंदी सच्चाई, बरोबरी ते भाईचारे दी मिकस मनुक्खता आस्तै प्रेरणा दा कम्म करदी ऐ। मोदी होरें इब्बी आखेआ जे भगवान बुद्ध हुंदी जिंदगी त्याग ते तपस्या कन्नै भरी दी ही, जेहड़ी अज्ज पूरी दुनिया गी शांति ते करुणा प्राप्त करदी दी ऐ।

<><><><><><>

NDMA

राष्ट्रीय आपदा प्रबंधन प्राधिकरण एनडीएमए नै नागरिकें गी सलाह दिंदे होई आखेआ ऐ जे ओ कुसै बी बेपछानू विस्फोटक सामग्री गी नेई छून। सोशल मीडिया पर इक पोस्ट च नामानै आखेआ जे विस्फोटक समेयान खतरनाक होई सकदा ऐ ते लोकें सख्त जख्मी जां मौत दा कारण बी बनी सकदी ऐ। एनडीएमए नै गलाया जेकर लोकें गी कोई बेपछानू सामग्री थोंदी ऐ ते तुरत मकामी अफसरें गी सूचित करन।

<><><><><><>

LG-Greetings

जम्मू कश्मीर दे उपराज्यपाल मनोज सिन्हा होरें बुद्ध पूर्णिमा दे मौके पर लोकें गी मुबारकबाद दित्ती ऐ। उनें आखेआ जे भवान बुद्ध हुंदी शांति, हिर्ख, अहिंसा, कयणा ते दलित वर्गें गी चुक्कने दी सिक्ख असेंगी हुनै तोड़ी प्रेरित करदी ऐ। उनें सब्बने दे खुशी, भलाई बेहतरी आस्तै बी दूआ कामना कीती।

<><><><><><>

Special Train

जम्मू ब्हाई अड्डा बंद होने करी अज्ज उत्तरी रेलवे ने उधमपुर ते जम्मू थमां इक स्पेशन वंदे भारत रेल गड्डी चलाने दी इक योजना बनाई ऐ। यात्रिएं दी सहूलत लेई वंदे भारत स्पेशन रेल जेहदा नंबर 02462 अज्ज दपैहरी 3 बजे उधमपुर रेलवे स्टेशन थमां चलोग ते जम्मू कडुआ पठानकोट कंट समेत होरने स्टेशनें पर रुकी रुकियै रातीं 11 बज्जियै 45 मिंटे पर दिल्ली पुज्जोग। एह रेल गड्डी अज्ज दपैहीह 3 बज्जियै 50 मिंटे पर जम्मू स्टेशन थमां निकलोग।

<><><><><><>

